

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

26 ապրիլ 2018թ.

ք. Արթիկ

ՀՀ ԱՆ Հարկադիր կատարման ծառայության Շիրակի մարզային բաժնի Արթիկի բաժանմունքի հարկադիր կատարող, արդարադատության ավագ լեյտենանտ՝ Արթուր Հակոբյանս քննության առնելով «26» ապրիլ 2018թ. վերսկսված թիվ 03255411 կատարողական վարույթի նյութերը

Պ Ա Ր Զ Ե Ց Ի

ՀՀ Շիրակի մարզի ընդհանուր իրավասության դատարանի կողմից «12» հունվար 2018թ. տրված թիվ ՇԴ/0120/02/17 կատարողական թերթի հիման վրա անհրաժեշտ է պարտապան՝ Կարապետ Մարտիրոսի Սիմոնյանից հոգուտ «ՎՏԲ-Հայաստան բանկ» ՓԲԸ-ի բռնագանձել 3.159.57 /երեք հազար մեկ հարյուր հիսունհինգ, հիսունյոթ/ ԱՄՆ դոլարին համարժեք ՀՀ դրամ և 17.340.90 / տասնյոթ հազար երեք հարյուր քառասուն/ ՀՀ դրամ /իննսուն լումա/ պարտքի, ինչպես նաև հայցվորի կողմից նախապես վճարված 30.790.50 /երեսուն հազար յոթ հարյուր իննսուն/ ՀՀ դրամ /հիսուն լումա/ պետական տուրքի գումարները: Միաժամանակ ժամկետանց վարկի մնացորդի՝ 3.035 ԱՄՆ դոլարին համարժեք ՀՀ դրամի և հաշվարկված տոկոսների նկատմամբ տույժերի հաշվարկը 21.12.2016թ-ից շարունակել օրական 0,09 տոկոսով՝ յուրաքանչյուր ուշացած օրվա համար՝ մինչև դրանց փաստացի մարումը:

«Դատական ակտերի հարկադիր կատարման մասին» ՀՀ օրենքի 67 հոդվածի համաձայն՝ պատասխանողից անհրաժեշտ է բռնագանձել նաև՝ 105157 / հարյուր հինգ հազար հարյուր հիսունյոթ / ՀՀ դրամ՝ որպես կատարողական գործողությունների կատարման ծախսերի գումար:

Կատարողական թերթի պահանջի կատարման համար անհրաժեշտ է բռնագանձումը տարածել գրավի առարկա հանդիսացող, 17.08.2016թ. կնքված թիվ ԳՎ_011_16_0217 պայմանագրի անբաժանելի մասը կազմող ոսկյա իրերի ստուգման և հանձնման-ընդունման ակտում նշված ոսկյա իրերի նկատմամբ:

Կատարողական թերթի պահանջի կատարումն ապահովելու նպատակով՝ Կարապետ Մարտիրոսի Սիմոնյանի կողմից «ՎՏԲ-Հայաստան բանկ» ՓԲԸ-ում գրավադրված՝ 17.08.2016թ. կնքված թիվ ԳՎ_011_16_0217 պայմանագրի անբաժանելի մասը կազմող ոսկյա իրերի ստուգման և հանձնման-ընդունման ակտում նշված ոսկյա իրերի նկատմամբ նշանակվել էր ապրանքագիտական փորձաքննություն՝ փորձաքննության արդյունքում տրված եզրակացության հիման վրա վերջիններս հարկադիր էլեկտրոնային աճուրդով իրացնելու նպատակով:

26.04.2018թ. ՀՀ ԱՆ Հարկադիր կատարման ծառայության Շիրակի մարզային բաժնի Արթիկի բաժանմունք է մուտքագրվել նշանակված փորձաքննության արդյունքներով Ա/Զ Օնիկ Պետրոսի Ֆրանկյանի գնահատման հաշվետվությունը, ինչի կապակցությամբ անհրաժեշտ է գնահատված ոսկյա զարդերը ներկայացնել հարկադիր էլեկտրոնային աճուրդի:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1 - 35.4 հոդվածների պահանջով՝

Ո Ր Ո Շ Ե Ց Ի

1/ Պարտապան՝ Կարապետ Մարտիրոսի Սիմոնյանի կողմից «ՎՏԲ-Հայաստան բանկ» ՓԲԸ-ում գրավադրված՝ 17.08.2016թ. կնքված թիվ ԳՎ_011_16_0217 պայմանագրի անբաժանելի մասը կազմող ոսկյա իրերի ստուգման և հանձնման-ընդունման ակտում նշված ոսկյա իրերը ներկայացնել հարկադիր էլեկտրոնային աճուրդի հետևյալ գներով՝

Հ/Հ	Անվանում	Քանակը	Հարգը /համաձայն ապրանքագիտական փորձաքննության/	Քաշը (գրամ) /համաձայն ապրանքագիտական փորձաքննության/	Գնահատման գինը (ՀՀ դրամ)	Մեկնարկային գինը (ՀՀ դրամ)
1	Ոսկյա շղթա	1 հատ	875	82.3	1432020	1074015

Հարկադիր էլեկտրոնային աճուրդը իրականացնել էլեկտրոնային համակարգի կիրառմամբ՝ Հարկադիր կատարման ծառայության աճուրդի էլեկտրոնային կայքի՝ www.achurd.harkadir.am միջոցով:

Հարկադիր էլեկտրոնային աճուրդի սկիզբը՝ «14» հունիս 2018թ.:

Ծ Ա Ն Ո Ց ՈՒ Թ Յ ՈՒ Ն

Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարելու հիմքերով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ 6-րդ մասերի համաձայն երկրորդ և յուրաքանչյուր աճուրդից հետո, լոտը / գույքը / չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունելու այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել ՀՀ ԱՆ Հարկադիր կատարման ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը / պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի / լոտի / հանձնման կապակցությամբ հարկեր վճարելու պարտականությունն առաջանալու դեպքում նաև դրա կատարումը հավաստող փաստաթղթերը ներկայացնելուց հետո:

1/ Որոշման օրինակն ուղարկել կողմերին:

2/ Որոշումը կարող է բողոքարկվել ՀՀ վարչական դատարան կամ վերադատության կարգով՝ այն ստանալու օրվանից 10 օրվա ընթացքում:

3/ «Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով նախատեսված դեպքերի:

ՀԱՐԿԱԴԻՐ ԿԱՏԱՐՈՂ
ԱՐԴԱՐԱԴԱՏՈՒԹՅԱՆ ԱՎԱԳ ԼԵՅՏԵՆԱՆՏ՝



Ա. ՀԱԿՈԲՅԱՆ